



Title	漢詩
Author(s)	林田, 炭翁
Citation	懷徳. 1932, 10, p. 59-59
Version Type	VoR
URL	https://hdl.handle.net/11094/88864
rights	
Note	

The University of Osaka Institutional Knowledge Archive : OUKA

<https://ir.library.osaka-u.ac.jp/>

The University of Osaka

壯如昆陽酣戰師。風雨縱橫車騎馳。快如吳王射潮手。萬弩齊發劈素帷。
方見林旭洩光彩。何知瀑雨生崔嵬。回飈懸水相盪摩。晦明變幻須臾改。
噴雪散珠隨簸揚。日腳倒射迸瑤光。七寶樓臺忽破碎。五色雲錦亂輝煌。
飛流崩湍洶不歇。倒海翻江驚龍窟。窟底冥濛罔兩號。下赴頽波歸毫髮。
我觀此瀑因觀文。周至唐宋蔚哉紛。卷舒之機秉者誰。天工無隱啓示君。
出山卅里目猶眩。泛海明日魂仍顫。不信騰天一匹龍。回望掛牆幾尺練。

●辛未秋日大阪城天守閣成偶有作

林 田 炭 翁

幾層天守閣方成。鷗尾金鱗映日明。地下豐公知有識。帶將微笑覽高城。

英靈畱在古城中。永仰豐公霸業雄。一舉再成天守閣。後人功績亦無窮。